



Broj: 01- 573 /25

Sarajevo: 18. 8. 2025. godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

Šemsudin Mehmedović



PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 18-08-2025			
Organizaciona jedinica	Klasifikaciona oznaka	Redni broj	Broj priloga
01-	50-1-	1836/25	

PREDMET: Zastupnička inicijativa - Rješenje o prestanku radnog odnosa Darku Ćulumu, bivšem direktoru SIPA-e, u skladu s članom 119. tačka 1. Zakona o policijskim službenicima, dostavlja se Domu na nadležno postupanje

U skladu s čl. 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22 59/23, 87/23 i 50/24), Predstavničkom domu Parlamentarne skupštine BiH upućujem zastupničku inicijativu:

„Predstavnički dom Parlamentarne skupštine Bosne i Hercegovine obavezuje odgovorna službena lica u Državnoj agenciji za istrage i zaštitu Bosne i Hercegovine da, u skladu sa članom 119. tačka 1. Zakona o policijskim službenicima kojim je jasno utvrđeno da policijskom službeniku prestaje radni odnos i automatski gubi status policijskog dužnosnika u slučaju kada svojevolumno da otkaz, hitno donesu rješenje o prestanku radnog odnosa Darku Ćulumu, s danom 18. 3. 2025. godine, jer je tog dana svojevolumno dao otkaz čime mu je prestao radni odnos u Državnoj agenciji za istrage i zaštitu Bosne i Hercegovine ”.

Obrazloženje

Bivši direktor Državne agencije za istrage i zaštitu (u daljnjem tekstu: SIPA) Darko Ćulum se, u ponedjeljak, 14. jula 2025. godine, **nakon neopravdanog odsustva u trajanju od 81 radni dan uzastopno**, ušetao u prostorije ovog državnog policijskog organa u namjeri da, **suprotno važećim zakonima, uzurpira i ponovno obavlja funkciju direktora koju je ranije samovoljno napustio** suprotno odredbama člana 68. Zakona o upravi, čime bi se u potpunosti obesmislio rad SIPA-e i produbilo već urušeno povjerenje građana i javnosti.

Članom 68. Zakona o upravi („Sl. glasnik BiH“, br. 32/02 i 72/17) jasno je propisano da rukovodilac organa uprave, ako smatra da nije u mogućnosti da uspješno obavlja povjerena ovlaštenja i obaveze i ne može pružiti odgovornost za njihovo vršenje, ima pravo podnijeti ostavku, što je što je Darko Ćulum i učinio 18. marta 2025. godine.

Međutim, istim članom zakona utvrđeno je da rukovodilac mora ostati na dužnosti do roka određenog zakonom ili roka koji odredi organ nadležan za odlučivanje o ostavci, te

da postupak razrješavanja ne isključuje krivično gonjenje niti odgovornost za naknadu štete.

Činjenica je da je 18. marta 2025. godine prestao radni odnos Darku Ćulumu u Državnoj agenciji za istrage i zaštitu, te da je automatski izgubio i status policijskog službenika, **u skladu s članom 119. Zakona o policijskim službenicima, jer je tog dana podnio neopozivu ostavku i, kako je javno izjavio, podnio otkaz.**

Darko Ćulum je postupio po zahtjevu osumnjičenog Milorada Dodika, koji je tražio od Srba zaposlenih u SIPA-i, Sudu i Tužilaštvu Bosne i Hercegovine da napuste ove državne institucije i prešao u Ministarstvo unutrašnjih poslova Republike Srpske (u daljnjem tekstu: MUP RS), čime se tada priključio udruženju koje je osnovao predsjednik Republike Srpske Milorad Dodik, čiji članovi su i osumnjičeni Nenad Stevandić i Radovan Višković, kao i ministar MUP-a RS-a Siniša Karan i direktor policije Siniša Kostrešević, sa ciljem da spriječe ovlaštena službena lica SIPA-e da sprovedu naredbu Suda Bosne i Hercegovine za lišenje slobode osumnjičenih: Dodika, Stevandića i Viškovića, čime je Darko Ćulum počinio više krivičnih djela.

Kako su dana 20. marta 2025. godine prenijeli mediji u Bosni i Hercegovini, Darko Ćulum je izjavio sljedeće: „Ja sam podnio lični zahtjev za razrješenje. **To znači da dajem otkaz. Inače, o ličnom zahtjevu za ostavkom se više ne može raspravljati**“. Na pitanje kada počinje raditi u Ministarstvu unutrašnjih poslova Republike Srpske; Darko Ćulum je izjavio: „**Očekujem rješenje danas ili sutra. Zasad, ponuđeno mi je mjesto savjetnika direktora, pa ću tu sad biti vjerovatno**“.

Nekoliko dana kasnije, mediji su objavili da je Darko Ćulum imenovan za savjetnika ministra unutrašnjih poslova Republike Srpske Siniše Kostreševića.

Darko Ćulum je postupao s umišljajem i svjesno napustio obavljanje funkcije direktora SIPA-e u situaciji kada su najviši funkcioneri bosanskohercegovačkog entiteta Republika Srpska započeli aktivnosti napada na ustavno-pravni poredak Bosne i Hercegovine, negiranjem i svrgavanjem njenih najvažnijih institucija i zabrani rada i djelovanja na području tog entiteta, zbog čega postoji osnovana sumnja da je Darko Ćulum izvršio krivično djelo „zloupotreba službenog položaja ili ovlaštenja“ iz člana 220. Krivičnog zakona Bosne i Hercegovine.

Samovoljnim napuštanjem vršenja dužnosti i odgovornosti direktora svjesno je urušio zakonito rukovođenje i otežao daljnji rad i funkcioniranje najvažnijeg policijskog organa Bosne i Hercegovine.

Posebno važna i otežavajuća okolnost jeste ta što mu je bilo poznato da radno mjesto zamjenika direktora SIPA-e nije popunjeno i da, njegovim napuštanjem vršenja dužnosti i odgovornosti direktora, SIPA ostaje bez zakonom propisanog rukovodstva čime otežava rukovođenje i izvršavanje zakonom utvrđenih nadležnosti.

Članom 59. Poslovnika Predstavničkog doma Parlamentarne skupštine Bosne i Hercegovine utvrđeno je da je Zajednička komisija za odbranu i sigurnost Parlamentarne skupštine BiH provodi nadzor nad radom SIPA-e, utvrđuje činjenice i

uzima izjave od izabranih ili imenovanih zvaničnika i policijskih službenika u slučajevima nezakonitosti i nepravilnosti u radu nadziranih institucija. **Zvuči nevjerovatno, ali prema javno dostupnim podacima, izgleda da se Zajednička komisija za odbranu i sigurnost u proteklih pet mjeseci uopće nije bavila nezakonitim postupcima bivšeg direktora SIPA-e, niti je saslušala bilo kojeg zvaničnika ili policijskog službenika vezano za „ slučaj Ćulum”.**

Zbog svega navedenog, neophodno je da Zajednička komisija za odbranu i sigurnost htino održi sjednicu kako bi utvrdila sve činjenice u slučaju Darka Ćuluma i i uzela izjave od svih relevantnih službenih lica.

U skladu s članom 11. stav 1. i 2. Zakona o parlamentarnom nadzoru, na sjednicu Zajedničke komisije za odbranu i sigurnost i sjednicu Predstavničkog doma, potrebno je pozvati: Borjanu Krišto, predsjedavajuću Vijeća ministara Bosne i Hercegovine, Ivicu Bošnjaka, zamjenika ministra sigurnosti Bosne i Hercegovine, Milanka Kajganića, glavnog tužioca Tužilaštva Bosne i Hercegovine, Enesa Obraliju, predsjedavajućeg Nezavisnog odbora, te Suada Hasanovića, i Ernada Musića, pomoćnike direktora SIPA-e.

S poštovanjem,

ZASTUPNIK PS BiH
Šemsudin Mehmedović

Dostavljeno:

- naslovu
- a/a